



05370

嘯雨草堂集卷第五

詞二十八首

秋波嬌

閨怨

誰家夫婿昨宵回，攜手整鸞釵。衾邊紅豆枕邊紅，淚送箇人猜。艱難那得逢如願，消此合歡杯。重門扃罷孤燈挑，罷沒箇人來。

賣花聲

春思

燕子話呢喃，放下珠簾。養花天氣夢難酣，怕聽樓東鈴語脆，腸斷江南。酒病正恹恹，衾底寒添幾分。紅雨落花黏，聞說踏青，諸女伴，污了鞋尖。

荷葉杯

明月天涯杯酒搔，首何處是紅橋。鶯雛燕乳一枝簫，未到已魂銷。簾底星河如海，歡待香夢惜匆匆。聘錢十萬也難通，無語咒東風。

金縷曲

和陸萊臧寄懷

一片秋聲老，正相思更闌。夢冷九峯三泖，千里故人遺尺素。無限離思，傾倒更絕妙，移情新藁。回首西湖同放艇，最銷魂、疎柳風前，嬾重遊、否認鴻爪。看花紫陌都成惱，猛



歸來故園無恙銜杯朗嘯話到江湖清興發又看君山春
曉且莫管杖頭錢少只問窮愁誰似我滯天涯腸斷萋萋
草思君瘦怒如擣

青玉案

寒夜聽雨

敲櫺敗葉紛難數又凍雨連宵度脉脉鄉心何處訴燈花
如豆眼花如霧索甚相思句 前塵觸撥沾泥絮可惜斜
陽促人去消瘦腰肢今幾許一分詩思十分愁緒喔喔隣
雞曙

菩薩蠻

南城看菊

嘯雨草堂集卷第五

二

西風一夕秋懷苦飄蕭獨立秋顏古抱此歲寒心相逢調
素琴 花前誰送酒花下頻招手欲插滿頭歸恐傷蓬鬢
稀

霜天曉角

寒望

黃蘆青荻月落魚龍寂有箇鴈兒飛去秋水白一聲笛
目極愁欲滴酒家何處覓依舊掩關高卧聽下竹任敲擊
買陂塘

寄懷黃友蓮

最傷心勞勞塵海相逢誰是知已吹簫醉倒蘇臺畔况味
料同淮市休說起儘萬卷羅胸只好狂歌耳吾非國士也

白眼看人黃花縱酒跌宕有如此 思歸夢恰值橙香橘
美吟魂遙墮雲水商量好事翻成恨寂寞吳江詩壘還可
喜算月落烏啼君在蘆花裏冬心瘦矣願燕子來時春水
泮後寄我一雙鯉

高陽臺

同達厚庵范味蓮飲雷菱洲齋中

海內詞人天涯知己無端小聚樽前莫說飄零眼中又是
殘年任他歌扇鈿箏夜到晨鐘一樣堪憐只傷心無恙江
湖鷗夢難圓 千金裘馬看花客問何人捷足着了先鞭
但看榮華淒涼杜宇啼煙勸君且盡杯中物乍博沙又作
離筵話悽然一舸西冷風雪驚眠

時菱洲有
武林之行

嘯雨草堂集卷第五

三

滿江紅

韓侯釣臺懷古

烏盡弓藏尚說甚一軍大將只可恨陰謀鍾室都由蕭相
欲立真王還算假不分漢鼎翻遭謗到而今灑涕論英雄
聲悲壯 懷一飯千秋仰滅三族千秋悵且狂歌斗酒登
臺一望生死總歸兒女手功名齊付淮陰浪剩星星漁火
半篙明傳清唱

念奴嬌

遣懷

菱花掩罷怕蛾眉瞥見者番纖瘦昨夜相思今夜夢腸斷
情人去後閒煞闌干海棠無伴風露誰消受銀釵又燼丁

冬愁數銅漏 何苦費却工夫翻成花樣把鴛鴦重繡一
丈愁絲揮不斷枕上冰痕濕透聽到晨雞黃金無用種甚
紅兒豆無情石佛問他會憶儂否

釵頭鳳

歡場促商飈酷射樞寒氣燈如粟曾相見金釵讌淺斟低
唱舞衫歌扇戀戀戀 無愁曲愁盈斛淚痕斜點湘醺綠
簷花顫飛銀霰一年殘夢一宵尋遍倦倦倦

珍珠簾

春寒小雪枝頭滿踏青期寄語蘭房同伴且莫繡羅鞋此
事姑從緩決箇輸贏紅骰子待妹來早烹香芥消遣恰鸚
鵡傳言畫簾宜卷 何事鎖了肩頭背銀屏細語模糊難
辨會否上高樓撲地楊花輒縱有新愁千萬斛也不用盈
盈腸斷宵短看玉蠟多情開花如繭

六么令

李少白惠贈王石谷山水畫扇率題於背

萬山紅樹添箇尋詩者昨宵夢回勾漏偷取臙脂灑爲問
來青閣上粉本從誰借疑真疑假暮鴉幾點飛上垂楊墨
雲瀉 三載辛峯寄宿袖裏煙霞惹攜酒吾谷村邊看盡
霜枝赭誰料秋螺十斛多半毫端寫疎林茅舍有人遲我
月上柴門未扃也

蝶戀花

題雷存齋丈攜酒聽鸚圖

匝地垂楊春影墮，勸倒芳樽如許。鶯簧可流水，空明雲澹。
沓此中有我還無我。絕妙詩情花落，妥庭樹無言一抹。
斜陽鎖何事，勞勞馳道左，不來花底掀髯坐。

瀟湘夜雨

書家信後

萬點寒鴉一林風，笛鄉心飛下蘇州。離家九見月如鉤，紅
豆熟休提舊恨，黃菊敗旋惹新愁。殷勤語歸來，補屋莫漫
勾留。天涯王粲那堪久，病忘又登樓。聽蕭蕭絡緯一片
殘秋。燈太喜平安怯，寫衾太薄，魂夢難流。從頭說翻增懊
惱，貂敝更無裘。

最高樓

嘯雨草堂集卷第五

五

旅況蕭條壯心蹉跌，行年廿五忽見二毛，不無
潘令之悲。況有相如之病，夢醒燈涼，百愁交作。
爰填此詞以示同人。

來何早，兩鬢忽星星。星里畢竟爾無情，滔滔流盡三生夢。堂堂
誰是百年身，拜靈均，尋子美，泣蘭成。我不悔，儒冠遭餓
死，亦不羨錦衣。年少子蠻觸，事沒輪贏，只愁飲罷無歸處。
拚將去路屬鷗盟，故人來，須記取，蓼花汀。

勸金船

同達厚庵訪程丈禹山

呼來小艇文津泊，疎葢橫籬角。經霜細草遊蹄弱，嘆如此
蕭索。酒到難辭，況有菊英堪嚼。爲問一年詩夢，曾否如昨。

先生識字甘投閣不用嗟搖落才名見嫉難拋卻費多
少商畧絕妙生涯合付一雙芒屨呼作謝家山賊料也心
諾

水龍吟

答許莘農

萬間廣廈虛懸也無一片漁樵地思量往古子雲投閣相
如滌器何物功名寂寥身世兩行殘淚縱君才八斗唾壺
擊碎誰能解平生意 况值風顛雪墜話牢愁一般滋味
強拈秃管幾曾思敵元龍豪氣欲約寒鷗沙眠水狎談何
容易待梅花信準蕭齋月落酒瓢同醉

花自落

嘯雨草堂集卷第五

六

雪

飛霰弄補得蒼苔虛空紙閣無人尋鶴夢寒輕還未凍
且把瓦瓶清供可惜梅花遲種一笛高樓風又送今宵開
酒甕

滿江紅

酬次許莘農韻

月冷青袍歎三徑黃花過了只孤館寒燈挑瘦自刪殘藁
淚滿窮途傷庾信綠慳踏雪尋安道問何時準辦一扁舟
煙中笑 况詞賦江關少剩杯酒天涯倒恨謫仙死矣廣
陵音渺散髮儂將隨海霧掉頭君要凌蓬島道無雙誰料
士還雙生才好

君與伯兄汝官
齊名人稱二許

一萼紅

題焦文甫茂才青氍紀夢

且停杯問人間何世冷落謫仙才
傀儡場中邯鄲道上不
合揮手而來也知道雲煙富貴
訊青天青眼爲誰開如此
蛾眉無人領管怎不心哀
僕也情癡之客自紅樓夢冷
青鳥音乖欲訴蘭因空增絮惱
誰復憐我塵埃只今想身
爲蝴蝶好尋君結隊上天台
不許庸奴白眼浪費驚猜

如夢令

題友人壽陽點額便面

十二欄杆如水一樹寒香侵被
春色著人妍夢落水晶簾
底無驕無睡翠羽枝頭鳴矣

嘯雨草堂集卷第五

七

醉江月

題嚴子通煙江倡和圖

玻璃萬頃問誰家公子畫船輕渡
兩點金焦明滅裏勾起
詩情無數斟徧清尊攜來快友
要拂珊瑚樹暮潮生矣一
枝柔櫓搖去 忽憶去歲春生
江南雨暗一舸迎瓜步拍
枕濤聲眠不得儂也推篷而賦
恨少蠻牋又無綵筆繪出
江天趣今朝讀畫畫中可許同住

隔簾聽

題友人簾影圖照

如此碧梧修竹問是誰家院
湘紋窳地無人捲
有一縷煙絲半床詩卷
細尋徧想紗牕畫
長人倦難謀面 幾回消

遣同把瑤琴薦玉闌干外花香輒隔簾聽去風濤難辨有
誰見除非一雙梁燕

如此江山

題沈雉橋曉風殘月小影

濛濛煙水天涯路蛾眉半彎如畫
岫側波平舟輕霧重寒
壓烏篷難挂空明世界只擁髻
淒然舊愁閒惹一片風絲
絲絲挽起柳腰拜
頻年江上待渡認山容漸減
儂也心
訝酒力嫌微吟魂欲斷
生怕五更鐘快雪泥何在
早似夢
如塵不堪重話月落烏啼
載蘭橈去罷

天仙子雙調

題達厚庵看萍書屋詩鈔

嘯雨草堂集卷第五

八

奇絕萍蹤迴大海酒國吟壇盟一載
袖中詩本最清新
花破蕾霞流彩多少珍珠穿百琲
唱徧驪歌難久待聚散
搏沙真可慨相思後夜月玲瓏
豪興邁朱顏改春滿天涯
遊子在

西地錦

燈下次韻和厚庵

天氣已涼寒未作去三分愁意沈沈漏永濛濛細雨悄無
人地只有詩筒相寄寫一腔秋思殘鐙欲殺眠還起遲
去林間煙霽

嘯雨草堂集卷第五

嘯雨草堂集卷第六

太倉 盛徵璣 小雲

賦十首

一枝巢賦

射陽學舍廳事之東有屋三楹莫釐山人顏曰一枝巢嘉慶庚辰夏五月家君葺而新之朋儕會合文酒飛騰璣也承懽迭更寒燠繁花蔭葉幽鳥呼雛掃榻趨庭攤書侍校人稱小隱館號忘憂鶴分半菽之糧鴻印一痕之雪爰成斯賦聊以敘懷夫其草帶侵階苔衣冱石映月牆低藏雲徑窄霞襯楯紅星搖榆白枿甃甃以抽條棗垂垂而成實喜叩戶之聲稀愛眠琴而意適籬餘晚節之香座少塵容

嘯雨草堂集卷第六

一

之客若夫囊琴閒憩杖策懽迎敦槃良會縞紵新盟滄茗泉冽炊黍香清臘月之釀入夏而開甕霜後之菜當春而煮羹則有藜牀促坐接離倒傾一醉十日五日滿室歌聲笑聲何必撫瑤瑟調銀箏籠麝煙於綺席銷蓮炬於粧檠既而秋浦懷人春江送別或維海上之舟或醉燕臺之月感人事之推遷訴離憂於倉卒乳燕飛迴流鶯啼歇舊壘穿雨腳之斜空梁吐月鉤之缺瓊也親陪晏笑長侍庭闈悲慈鳥之反哺憐窮鳥之相依朱顏未凋華年將逝慣惹病魔難驅詩崇悵蒲析兮先秋非金石兮易敝蒙鳩之羽已摧鷓鴣之羽誰試野田有黃雀之傷瑤池少青禽之至幸而高堂健飯吏隱宜詩及菁華之未竭有鐘鼎兮自怡

樂琴書兮嘯傲詢黜陟兮不知暇豫無集枯之嘆綢繆深
未雨之思學安巢之巢父藉鷓鴣之一枝

范味蓮云神韻悠然其清綺處直入蘭成之室

嘯雨草堂集卷第六

二

春影賦

望仙之樓鬱金之堂珍珠簾卷時聞衣香則有衛豔陳娥
秦姬趙女耀素彩於明璫垂鮮光於翠羽碧煙如霧紅雨
如塵粉黛無迹胭脂有痕雲容容兮要眇風策策兮黃昏
岫橫欹斜屏山凹凸雕闌深淺之花石檻朦朧之月輕遮
繡幔閒倚薰籠排籤字細剔穗鎧紅訝珮聲之若近疑情
語之先通俄而紫玉成煙綠雲如幕情深望遠之天目斷
臨春之閣記影事之分明詠春情而索莫流水不歸朱顏
非昨有恨難描言愁奚託彩雲散兮何處香夢香兮誰尋
流霞之卮飲恨卷蔬之草傷心鶯花歲歲院宇沈沈悵浮
生之幻相覽明鏡而霑襟

汪厚夫先生云綺語傷春仙心繪影可謂哀感頑豔
矣

白桃花賦

風廊春夜水榭花晨曲瓊有影步障無塵煙輕網戶香靜
留人有所思兮延佇羌小立兮逡巡石室何年仙根誰種
雨洗紅消雲移綠送綺陌人歸霓裳仙衆玉臺柳絮之痕
晶枕梨花之夢續紛珠琲狼藉瓊瑤交棧灼灼接葉夭夭
溪平易浣山澹難描新禽失素嫩蝶分嬌白恰臨風動玉
驄前路遙一簾花影日初夕三月餘寒雪尚飄露井初酣
銀槎若近開窈窕之雲屏列參差之石筍紅牆則隔牖迢
迢翠水則迴波隱隱乃有繡閣舉帷香車接軫曳縞帶以
來遲粲玉齒而微晒瑤池之仙馭初停武陵之漁舟誰引
月明如晝春澹於秋屈曲藏雲臨瓊瓏近水樓劉郎紫舊
嘯雨草堂集卷第六 四

夢崔護賦新愁望美人兮杳何處怨靈瑣兮不少留別院
聽歌重門深閉平陽嬌女之樓號國夫人之第傅粉添肥
勻脂嫌膩乍斂豐容微含愁意風斜而舞燕身輕雨濕而
流鶯聲細宵霧晨煙春光可憐落英滿地細草粘天醒珠
樓之綺夢罷玉樹之歌筵於是倦客思歸春人贈別千尺
深潭頻年寒食衣澣緇塵唵殘白雪惜花事之將闌獨臨
風而悽絕

彭甘亭先生云其秀在骨不爲脂粉所汗

愚公谷賦

齊人有畜牛以買駒者人皆笑以爲愚家居萬山之中桓公射獵而入問之曰此愚公谷也其洞幽窅其徑繚曲其俗真率其民醇樸有棲遲偃仰之樂無罔羅機辟之辱與道相輔如建德之在南越人貌而天若順子之居東郭乃有缺俗之士離垢之徒糝糠塵世胥疏江湖不夷不惠似癡似迂魚鳥則因性所適馬牛則隨人自呼于是養拙林泉怡神邱壑水狎閒鷗花餐病鶴起居無時常據惠子之梧服食甚健不問葛洪之藥忘機智之變幻藉踈愚爲寄託行止自如聰明毋作百憂屏除此間可樂夫其室小于栝櫟踈于葉如館蝦鬚如巢蚊睫圭竇雲穿繩牀山壓石

嘯雨草堂集卷第六

五

似頑而點頭花非狂而拄頰款扉攜侶掃徑延賓尊酒雞豚之社衣冠懷葛之民松間雲意俱懶竹外鶯啼自春脫粟之飯可飽野蔬之味愈真亦有倚壁挑鐙臨溪滌盥倦撫琴絃強呼詩伴花經雨而猶澆衣留痕而不澣山曲雲平池方月滿賓朋則樂數晨昏氣候則幾忘冷暖笑食字之蟲魚訝成仙之雞犬雲溪有醉侯之居淮南有招隱之館維時有客倦遊來從遠道尋谷口之餘春拾山中之芳草憩窟室以徘徊愛坳堂之清宵願買山而有錢擬卜屢以終老遂乃謝塵囂修初服學原氏之安貧守老子之雌伏倚樹聽琴牽蘿補屋旣窈而深寤歌且宿苟得任其踈慵夫何慕乎顯祿

楊叔溫先生云空山無人水流花開與淵明桃花源
記異曲同工

嘯雨草堂集卷第六

六

玉簪花賦

雕闌柔曲香雲墜
旖旎花容鬪妍媚
覽鏡風鬟弱不勝移
鈿月榭粧初試嫩
苗銀簪柄嬌酣碧
玉栢歌臺人忽去
箏閣夜重開
釵梁麗殺螺窺黛
窺葉輕勻鶴啄苔
當夫籠袖涼生
停鍼人倦影暗
羊燈聲遲虬箭羅巾
則繡蝶雙棲寶髻
則編珠成串
拳錦幔以藏鉤
入瑤房而收釧
瓊瓏朱鳥之廳
掩冉青苔之院
若其蘭階玉綴
芳砌簪抽
顰低眉鎖
豔淺花柔
金屋鴛鴦之瓦
晶簾翡翠之樓
訝釵分兮燕瘦
疑珥卸兮環肥
薇帳畱香
遠蘭膏照夢
微續紛排繡
縷婉轉弄明璣
風清花巷
鈴聲細露溼莓階
屐齒稀洞房兮延
秋曲臺兮餞夏小
蟻撥兮朝朝羅薦
陳兮夜夜獨奈愁顏

嘯雨草堂集卷第六

七

玉盤
雨洗殘髡雲鬆影
伴珊珊翠裘鳳子
嬌無力纖手擎來白

孫少初先生云
鏤紅浴碧玉笑珠啼
萼綠華杜蘭香
呼之欲出

紅心草賦

春寒病起散步郊垌風花曳紫煙絮迷青見叢生之滿路
濯微雨而含馨有客指而告余曰此紅心草也伊昔歷廊
人去香徑塵生悼吳宮之寂歷感異夢于幽冥繡幄麝蘭
之氣璇臺笙管之聲鳳牌錦字鴛帳仙駢怨墜歡之難拾
感小草而傷情僕本恨人追維往事夙工吳質之愁易觸
潘郎之思冰簟眠雲湘簾垂地萋萋鬪草之辰點點傷春
之淚北邙葬玉上邽埋香泣殘紅豆厄甚黃楊惜餘春兮
付流水望遠天兮空夕陽苦竹太苦祥桑不祥愁根牽蔓
恨葦抽芒翠菱千絲之柳紅欹一丈之薔霧黯黯兮晝將
暗風蕭蕭兮夜正涼銜悲何極飲恨難量幻影非真芳心
誰託願迴寸寸之腸重訂生生之約東皇鑒其誠懷少女
申其然諾俾蠲忿而忘憂永合歡而長樂卷施則拔心不
死細菌則連珠不落癡心卜靈鵲之期愁緒似春蠶之縛
草長鶯飛風斜雨微呼童竟徑與客言歸愁絲橫路淚點
霑衣玉釵墮兮紫煙化羅幃掩兮青苔肥三春兮代謝百
卉兮具腓嘆榮華之已落感好夢之都非

顧子雨云哀感頑豔盈盈紅淚濕透鮫綃

暗水流花徑賦

客有泉石神娛苔岑交澹水榭開尊柴荆繫纜欣舊雨之
重逢忽夕陽其已暗俯階前之叢碧徑借花深引門外之
清渠簾邀月瞰當夫賢主傳觴良朋擘紙抒別緒於飛花
託吟情於流水如隱水雲之窟寒欲沁脾如來輞水之莊
流堪漱齒丁冬響處約畧蒼苔滴雨之聲子細聽來分明
深竹浮煙之裏則見庭陰似墨草色如油昏林鳥宿暝樹
雲浮曲徑花明好闌數弓之地空階水暗知非百尺之湫
獨憐燈火微青訝覆杯其何許惜少螢光夜燦問咽石兮
曾不漫存掬月之思何曾在手若動揮毫之興幾欲臨流
潤蒸文砌活泛穠花冷浸一畦之菜溜穿六枳之笆笑醉
眼之模糊源頭安在問靈泉之吞吐牆角非耶倚樹而吟
似有梅香浮動烹茶而汲還疑柳葉紛遮不見科盈祇聞
響應清濁奚如疾徐未定懸猜莫得屢迷下漏之壺適從
何來已出通幽之徑遠若瓦藤之覆環南北舍而週遭近
疑嶂霧之橫接東西澗而綿亘不必決渠降雨聊浣煩襟
或其吹月舒波倍添吟興維時貝列春星珠凝香露開松
徑以重遊愜酒懷而小住有如此水結浮瓜沈李之緣不
少名花得露坐風談之趣桃含宿雨暗溼苔衣柳掠春泥
暗侵葛屨際此杯長燭短高吟子美之詩况看簣覆堂坳
勝讀蘭成之賦

王春畬云風清不雜體約不蕪是唐人小賦中最高

之品

譚石舫云摹寫工細神韻悠然

嘯雨草堂集卷第六

十一

春草秋更綠賦

湘簾籠霧碧簾生塵煙蘿滴翠石蘚鋪茵訝羣芳之未歇
值秋色之方新何處懷人空結靡蕪之佩不堪送遠猶畱
杜若之春原夫謝元暉身寄京華情牽遠道南中看橘柚
之榮洛下憶鶯花之早吟春事兮匆匆訴春情兮草草苦
痕映處煙澹疑無柳色籠餘陰濃未掃睡鴛鴦之六六菜
甲低萌垂翡翠之雙雙簾丁歛倒若夫秋風蕭瑟秋露沈
浮葉何秋而不落草何歲而無秋雖欲採芳信於園丁重
傾婪尾憶舊遊於亭午試豁吟眸而濃蔭繽紛皆應秋期
而戒綠秋懷漸慙忽驚晏序以添愁茲則綠復綠兮芊眠
春非春兮掩映疑新水之痕拖望平蕪而色更錯認鴨頭

嘯雨草堂集卷第六

十一

絨出融縠浮香偶教蠟屐尋來和煙染淨昔日王孫把袂
贈紅豆以牽情此時倦客憑闌倚綠筠而思詠則有玉帳
淒涼榆關躑躅將軍大樹霜寒苜蓿之花都尉前營月冷
芙蓉之褥弔古冢之畱青望平沙而怨綠馬蹄風急芊芊
無限之愁雁磧雲積脈脈相思之曲正值秋容慘澹已腸
斷於刀環回思春夢闌珊更魂消於銀燭也別有金屋拈
鍼瓊閨織素意蘊栽情愁花索句雙鬢亥字之珠百結丁
香之樹斜陽欲墮翠袖生寒清夢初回碧紗如霧玫砧送
響催蓮箭之三更玉枕量愁問銀河之幾度從此江關秋
老綠意堪憐安得繡閣春歸紅顏如故池塘春草登樓吟
康樂之詩南浦綠波寫恨擬文通之賦

黃友蓮云編珠作字鍊玉生煙

嘯雨草堂集卷第六

七

秋水共長天一色賦

雲山一碧上下相於遙連荆越近接衡廬地扼三江之勝
秋當九月之初浴碧浮青神委盤盃於雲嶠協靈通氣洪
流吐納乎星渠盪日月之雙丸到眼別開境界吸乾坤之
一氣此身溷迹樵漁維時洪都餞客高閣維舟十旬休暇
千里淹留都督則方開華宴宇文則恰受新州赴水神七
百里之風期駕孤帆而容與排天閭十二城之雲氣挾飛
仙以遨遊金碧三篙檣響破濤瀧而徑度蔚藍一色波光
連霄漢以橫秋赤岸衝沙青霞疊嶂嶺斷雲連天低野曠
是空是色迷漫翻天半之流疑有疑無欸乃徹雲中之唱
試橫槊而談往事此恨難消欲搔首而問青天斯遊何壯

嘯雨草堂集卷第六

三

夫其朝旭曠曠孤篷蜿蜒天浸水而秋激水拍天而勢遠
溟模糊之曙色四圍晝閣晴開增鞞轄之餘音六幅蒲馱
坐穩望斷寥天煙水隨風馭以身輕笑凌大地山河豁塵
襟於秋晚至若返照迴波虛光入澗卷薄霧於林巒散夕
陽於葭亂待鼓成連之楫直接渺茫倘然溫嶠之犀更驚
變幻俯而瞰之則半江紅樹歸艍賣晚市之鱸仰而矚之
則九點蒼煙清唳落隨陽之雁則有荻舫尋秋菴江遞信
對遠水兮相思望美人兮儻瞬天幕江心之碧鼇身隱現
以吞波風吹水面之紋羊角扶搖而壓陣淵明於鏡濤壘
朗兮輪圓舟小於蓮浪縈迴兮勢順又有五湖客夢雙槳
詩情託雲潏以泛宅借鷗鷺以聯盟何處星槎隨青雀黃

龍而直上誰家畫舫指白蘋紅蓼以前迎環樓榭之千家
雁齒橫遮乎虹霓浴滄溟之百寶蚌珠晃耀乎鯨鯨宜乎
逸興遄飛童子登高作賦天才無敵閻公拍案先驚彼夫
蘭亭積圯梓澤摧殘識盛筵之難再欣勝地之何寬對茲
碧水長天共誰嘯咏剩有珠簾畫棟供我盤桓試尋別館
於江干風流何在爲覽秋濤於天際終古同看

李虎觀先生云潤聚金碧氣清無沙土痕

筆非秋而垂露賦

庾蘭成以絕代之閎才冠六朝而誰匹建禮含香崇賢觀日高甲觀之鴻詞受丁年之顯秩傳賤則墨瀋淋漓擗管則言泉流溢擬露華之點滴不受塵埃得秋氣之澄清自然俊逸一從橐筆而馳驅不禁當秋而蕭瑟射策東宮之歲記曾奉詔以聯吟客遊西魏以來誰共題襟而載筆乃有名王趙郡賢牧京畿印擅益州之掾文揚上柱之輝贈新篇於開府攄芳翰於瓊闈累紙輕圓愛凌空之蕩漾飛毫厯落看凝素之依稀濃薰繭紙之香心清茉莉薄暈冰綃之豔手盪薔薇聞掃葉之聲秋其至矣訝垂條之露是耶還非徒觀夫露珠宵綴露采晨流曝衣香閣穿線鍼樓

梧桐葉上楊柳枝頭或垂穗濕珊瑚之架或垂簾侵翡翠之鉤此皆應秋期而零露亦復滄露潤而知秋若非秋到人間月皎而千山夜朗未必露垂枝上宵闌而萬點痕留爾乃綠沈吐潤雕管抽思字訝蘭薰而透馥詞疑露點而含滋黃絹初舒徧灑團團之薄潤碧筒乍啟微沾的的之芳姿倒披薤葉之青雨汁鎔成瀝液濃漬松煙之翠鱗紋削出之而則是秋還未到露已先垂初滲瀉而厭浥旋漸瀝以紛披無待金盤之貯也全憑妙筆以凝之蘭臺宋玉之風秋懷頓起桂苑陳王之榭涼意先知蘭成於是展濯錦之華賤答拈花之麗句幕府大將軍相與唱酬丞相平津侯同其景慕涌原泉而不匱直同膏醴之長流照烈日

以匪晞何慮英華之太露此應詔於華林園裏莫愁椒殿
之春蕪而賦詩於太液池頭恍惚栢梁之秋暮者也方今

松牖凝薰芝房含煦炳

睿尊而普濩陋晶盤於畢勒沆漑醲瀼薦林在於崑崙醜
醜密霽巧見含毫馥郁鏤十華寶露之銘且看簪筆雍容
奏五色卿雲之賦

黃友蓮云觸手春生揮毫珠散清新俊逸兼擅其長



